

OBAVIJEST

Poštovani,

pred Općinskim sudom u Sarajevu se trenutno vodi oko 300 postupaka po tužbi radnika protiv JP Željeznice FBiH zbog neisplaćenih regresa, manje isplaćenih plata i ostalih naknada. Na sudu u Čapljini, Mostaru i Konjicu se vodi još oko 200 predmeta. Do sada je već donešeno preko 100 pozitivnih presuda i u svima je uvaženo svako potraživanje radnika prema tuženom. Predmeti se nalaze sada na Kantonalnim sudovima i brzo očekujemo pravosnažne i izvršne presude.

U sudskom postupku je neophodno vještačenje sudskog vještaka finansijske struke na okolnosti utvrđivanja tačnog iznosa duga prema svakom tužitelju pojedinačno. Zato sud određuje u svakom predmetu sudskog vještaka i određuje iznos na ime sudske takse za vještačenje. Zato su iznosi različiti i zavise od sudije.

Ova taksa se mora platiti. Sud neće dozvoliti da se izvrši finansijsko vještačenje bez uplate navedenog iznosa i samim tim svako potraživanje može doći u pitanje, zbog čega bi ishod postupka došao u pitanje i na kraju bi tužitelj morao snositi troškove postupka.

Važno je znati da se ovaj novac od sudske takse vraća svakom radniku sa ukupno isplaćenim potraživanjima. U prvim raspravama na sudu u Sarajevu sudije su različito određivale visinu sudske takse od 200 do 300 KM, a neke sudije su trošak takse dijelile i sa tuženim, tako da su u nekim slučajevima one oko 165 KM. U zadnjih nekoliko rasprava evidentna je težnja suda da se ove takse ujednače i vjerovatno će ubuduće one biti 200 KM.

Razlog našeg obraćanja sindikatu je pojašnjenje različitih iznosa na uplatnicama koje su radnici dobijali, a posebno naša želja da se naglasi da se ove takse jednostavno moraju platiti.

Razumijemo da je situacija teška i da su iznosi za mnoge veliki, ali u konačnici će se sve to višestruko isplatiti, jer prosjek dosuđenih naknada po svakom radniku do sada je oko 4.500 KM plus doprinosi oko 15.000-20.000 KM. Zato na ovaj način pokušavamo i vas zamoliti da sa radnicima, članovima Vašeg sindikata pokušate pronaći neki način da se sudske takse plate, odnosno da im pojasnite da je to od suštinskog značaja za dobijanje svih potraživanja.

Mostar, 21.02.2011.god., advokat Maja Škoro